

الجواب الحادي عشر / مسعد

١١ ربيع الآخر من عام ١٤٠٢ هـ

الثلاثاء الموافق ٢٥ يناير لعام ١٩٨٣ م

إلى حبيبتى

الساكنه جنب بيتنا

واللى ساكنه

فـى صميم القلب

والفكر النديم

ثم أما بعد،،،

مبعوتك ليا الأخرانى

طمن قلبي وخالاني أنام

متشكر جداً يا نبيله

ربنا يحميكى ويديكى فى العمر

الفرحه والصحه وطولة الأيام

أهاديكي بآيه ؛ وأهاديكي إزاي

لو كلمة شكراً هتكفي

أو كل ورود الدنيا بأنواعها وبألوانها

لقطفها وأقدمها بكفي

أما أمي !

فأقل ما فيها ؛ من طول تقلبها وتقلبها

أهي قالت ربنا يحميكي

وإن كنت سبب في خجل وكسوف

أهو بكره نشوف

أمي أهي رضيت وإختارت

ودعيتلك الله يخليكي

منغير ما أقول ولا أجيب سيره

ولا أرتب شيء ولا أموت حيره

ربنا رتبها من عنده

والقصه بتكمل من عنده

وطالما غرمتنا بإيد الله
فأكيد مكتوبله أنه يعيش ويلاقي حياه
أمي قالتها وربنا أكد
فممتضايقيش حقك عندي
وأهو بكره هجيلك وأأكد
من بلاد الأنتظار بشوق ولهفه
يالي حاسه ويالي فاهمه ويالي عارفه
إن ناري في البعاد بتكون نارين
وإن أنا يا نبيله مكوي كويتين

من بلاد الواه
من بلاد الثلج والفضون والموضه
من أراضى الله
وسلام ختام

